



ЛЕНИНЭНЬ КИЯВА

ВЛКСМ-нь Мордовской обкомонтъ ды Саранск ошонь комитетэнтъ газетаст

1941 ие
И Ю Н Е Н Ь
11-це чи
64 (1360) №

ЛИСИ: 11-це нр,
12 № ковс

Вадрясто ютавтсынек профсоюзно- комсомольской кроссонть

Паро мельсэ вастызь минек республикань профсоюзной ды комсомольской организациятне ВЦСПС-нть ды ВЛКСМ-нь ЦК-нть постановленияст «Массовой профсоюзно-комсомольской кроссонть». Те кроссось—пересеченной таркава чиёмась—спортонь увлекательной вид, ды сон эрва иестэ тееви достояниякс советской физкультурниктнень.

Те профсоюзно комсомольской кроссось ашти покш событиякс спортивной эрымсо. Кавто недляне, конатнень перть ули ютавтозь сон, кармить улем профсоюзной, комсомольской ды спортивной организациятнень роботаст ванномакс.

Седе вадрясто анокстамс кроссонть ды ютавтоме сонзэ организованнойста, седе ламо таргамс трудият те мероприятият ютавтомо—вана кодамо ней задачась. Ды ков седе парсте кармить роботамо профсоюзной, комсомольской организациятне ды спортивной обществатне, тов седе успешнасто топавтови те задачась.

Лыжной ды гимнастической соревнованиянь уроктне невтизь, што тосо, косо виевста бороцясть физкультурной роботанть вадрылгавтоманзо кис, соревнованиятне ульнесь ютавтозь организованнойста, сынет эйсэ примасть участия аволь ансяк комсомолецт, но аволь союзной од ломатнеяк. Тосо, косо ульнесь заседательской суетня, лыжной ды гимнастической соревнованиятне ютасть беряныста.

Мезе эряви теэмс, штобу образцовейста ютавтоме профсоюзно-комсомольской кроссонть?

Нетъ соревнованиятнес эряви таргамс седе ламо трудият, тень жо можна добовамс, бути карматано келейгавтомо массово-разъяснительной роботанть кроссонть коряс. Фактсэ невтеме, кодамо лезэзэ физкультуранть ды кода сон кемексты ломаненть шумбрачинзэ. Эряви седе парсте организовамс кроссонь участниктнень тренировкант. Тренировкант ютавтоме точно положениянт коряс, а нолдамс кодамоак условность. ВЦСПС-сь ды ВЛКСМ-нь ЦК-сь карматызь профсоюзной, комсомольской организациятнень ды спортивной обществатнень «явоме башка мель кроссонь участниктнень вадрясто анокстамонть ды тренировкант лангс, а теэмс соревнованиятнень ансяк ванномань кис, внешней эффектэнт кис». Эрва организациянт честень тевезэ—топавтомс те решениянт.

Минек республикань ламо комсомольской организацият видестэ чарькодизь профсоюзно-комсомольской кроссонь зачатнень ды виевста кармасть анокстамо сонзэ ютавтомантень. Зубово-Полянской районсо прыдызь тренировкант малав 700 ломань, Чамзинской районсо—1.038.

Эряви меремс весе комсомольской организациятнень, штобу сынъ внешней эффектэнт мельга авольт пана, но добовавольт сень, штобу массовой соревнованиянь участниктне кеместэ ды свал роботавольт эсест физической развитият лангс.

Таргамс физкультурной движения ламо тыщат цэрат ды тейтерть—вана кодамо зачатс комсомольской организациятнень ды те задачась должен улемс топавтозь вадрясто.

ОД ЗАЕМОНТЬ ПЕК ПОКШ УСПЕХЕЗЭ

Заемось велькса топавтозь 4 чинь перть

Колмоце Пятилеткань (нилеце иень нолдавт) Заемось, кона нолдазь те иень июнень 2-це чистэ 9 миллиардт 500 миллион целковойс, июнень 5-це чинтень включительно, лиякс меремс ниле чис, топавтозь 9 миллиардт 761 миллион целковойс, велькса топавтозь 261 миллион целковойс.

Ленинградсо колмо чинь перть, Москосо ды Киевсэ ниле чинь перть заемонть лангс сёрмацтомась велькса топавтозь бюджетэнь сумманть коряс. Заемонть лангс сёрмацтомась яла моли.

А. ЗВЕРЕВ,
СССР-нь финанстиэнь наркомось.

Мордовской республикасонть Заемонь реализовамось

Колмоце Пятилеткань (нилеце иень нолдавт) Заемонть лангс Мордовиянь трудиятне сёрмацтыть покш воодушевления марто.

Июнень 8-це чинтень республиканть келес заемс сёрмацтома суммась пачтазь 21 миллион 834 тыща целковойс, или МАССР-нь бюджетной планонтень 91,5 процент.

Те чинтень, лиякс меремс 6 чис, велькса топавтызь бюджетэнь коряс тешкстэзэ планонть зярый районт. Атяшевской райононь рабочейтне, колхозниктне ды служащейтне максеть госу-дарствантень 553 тыща целковой, теньсэ топавтызь сынъ бюджетной планонть 111,7 проценте. Ансяк колхозниктне ды единоличной крестьянтэ сёрмацтыть 260,1 тыща целковойс. Темниковской райононь трудиятне сёрмацтыть заемс 1 миллион 238 тыща целковой лангс.

Крестьянской секторось бюджетной планонть топавтызе 113,5 проценте. Райононть келес бюджетэнт коряс тешкстэзэ суммась топавтозь 107 проценте. Истя жо парсте моли заемонь реализовамось нетъ районтнесэ, кода: Ст.-Синдровской районось, кона бюджетной планонь сумманть топавтызе 102,4 проценте, Рыбинскоесь—100,8 проценте, Саранскоесь—100,6 проценте. Малав 100 проценте бюджетной планонть коряс сумманть реализовизе Атюрьевской районось.

Мордовской республикасонть заемонь реализовамонть коряс удалов кадровкшныть Рузаевской, Ковылкинской, Кочкуровской, Ичалковской, Козловской ды Торбеевской районтне. Нетненъ эйстэ вейкескак эзизе топавто бюджетной планонзо 84 проценттэ ламос.

Вейке ковань окладс

Покш радость марто вастызь СССР-нь Совнаркомонть постановлениянзо Колмоце пятилеткань (нилеце иень нолдавт) Заемонть нолдамо Кабаевань средней школань учительтне ды технической работниктне. Эрвась эйстэст сёрмацтыть вейке ковань оклад лангс. Учителесь И. В. Ревакин—600 целковойс, А. В. Инжеваткина—325 целковойс, Я. Г. Слугин—300 целковойс,

Г. В. Штынин—300 целковойс. Июнень 3-це чис подписной суммась кассь 7.075 целковойс.

Ней учительтне ветить покш массово-разъяснительной работа колхозниктнень ютксо, конат сынет примерэст коряс истяжо дружнасто сёрмацтыть те заемонть.

Н. Зорькин.

Дубенской р-н.



Дружнасто сёрмацтыть Лямбирской МТС-нь бригадиртне од заемонть лангс.

СНИМКАСОНТЬ (керш ёндо витев): 18-це № тракторной бригадань бригадирэс Д. Кулагин ялгась ды трактористнэ С. Новикова ды И. И. Ильенко ялгатне сёрмацтыть од заемонть лангс.

Фотось А. Биккуловонь.

Седеяк кемекстасынек эсь родинанть

— Минь покш мельсэ макстано эсь сбережениянок социалистической госу-дарствантень,—корты Саранск ошонь швейной мастерскоень работницась Абрамова ялгась.—Минек трудовой ярмактне молить советской родинанть седеяк пек кемекстамонть. Минек мастоторонь эрва трудиянт сех покш мелезэ: весе вийсэ лездеамс сенень, штобу социализмань масторось улелелъ неприступнойкс, кемекс ды седеяк пек снопавокс.

Нетъ читнестэ истя кортыть, истя арсить миллионт советской граждант, конат покш подъем марто сёрмацтыть Колмоце Пятилеткань (нилеце иень нолдавт) Заемонть.

Швейной мастерскоень весе рабочейтне ды работницатне вейкенъ нес сёрмацтыть од заемонть. Васень чистэнтэ уш сёрмацтомань суммась пачкодекшнесь 55 тыща 485 целковойс. Ламот сёрмацтыть ковань зарплатадост седе покш суммас. Примеркс, Волгин ялгась сёрмацтыть омбоце пель ковань зарплата, Абрамова ялгась 500 целковойс (зарплатазо 400 целковойс).

Покш успех марто моли од заемонть лангс сёрмацтомась педагогической институтсо. Тосо ютавтозель митинг, студентнэ, преподавательтне ды технической работниктне приветствовали правительстванть постановлениянзо од заемонь нолдамонть.

Пединститутсо весемезэ лововить 167 преподаватель, технической ды лия работник. Васень читнестэ уш заемонть лангс сёрмацтыть 159 ломань 61 тыща целковойс. Од заемонть лангс покш мельсэ сёрмацтыть студентнэяк. Студентнэ-отличниктне Лизяева ды Дорожкин ялгатне сёрмацтыть 500 целковойс эрвась, Разумов студентэс 300 целковойс, Ермолов—250 целковойс.

Н. Иванов.

Колхозниктнень активностест

Июнень омбоце чистэ П. Тавла велесэ ютавтозель митинг, косо ульнесь толковазь правительствань постановле-ниякс од заемонть нолдамо. Митингень участниктне, колхозниктне, бригадиртне ды учительтне седейшкава шнызь те постановлениянт. Косычев ды Рябов бригадиртне сёрмацтыть 50 целковой лангс ды сеске жо пандсты кеменень-кеменень целковой. Активна-сто сёрмацтыть лия колхозниктнеяк.

Весе, теке вейке ломань, сёрмацтыть велень учительтне. Сынет под-писной суммась кассь 1.900 целковойс.

П. Сурков.

Кочкуровской р-н.

Касы подписной суммась

Покш паро мельсэ вастызь СССР-нь СНК-нть постановлениянзо Колмоце Пятилеткань (нилеце иень нолдавт) Заемонть нолдамо Ст.-Шайговской РКШ-нь курсантне. Васенцекс сёрмацтыть РКШ-нь директорось З. П. Звягина ды А. Г. Бабушкин ялгатне—600 целковой лангс. Преподавательс Прокудин ялгась сёрмацтыть 500 целковой лангс, курсантне Аводов ялгась (сон жо ВЛКСМ-нь комитетэнь секретарь), Ле-дяйкин ды Киселев ялгатне—20 целко-войс, Кривокубов—20 целковойс. Под-писной суммась яла касы.

И. Щеглов.

Ст.-Шайговской р-н.



Саранской хлебокомбинатонь стажановецесь-комсомолецесь Б. Кочетов свал велькскэ топавтнэ производственной заданиянзо.

СНИМКАСОНТЬ: Кочетов ялгася ванкшны кшитнень качества. Фотосъ Б. Козловонь.

Простой, но питней предложения

Эрва электросварщикесь электродтнень лангс ютавтыль ламо уське. Уськесь жо ульнесь вадря качествань. Те аволь анык а тейниль экономия, но нэтой лисниль перерасход. Саранскоень металлокомбинатонь электросварщикесь Павел Борисов комсомолецесь те тевсэнь вадря уськенть полатызе отходсо, кона моли шинанть эйстэ. Тень киссон отходонть керсесы механической васоньбеельсэ, тейни човине кшнить ды ютавты эйсэст. Борисов ялгася эрва чистэ теи 5 килограммат уськенть экономия.

Производственной собраниясо сон ёвтнize эсь роботань методонть ды макссь предложения весе электросварщиктнень вадря уськенть таркас электродтнень лангс ютавтомс отход шинанть эйстэ. Электросварщиктнень мельс тусь те простой, но питней предложениясь ды кармасть сонзэ тевс ютавтоманзо.

Борисов ялганть предложениязо макссь возможность эрва электросварщиктнень коновь перть теи 125 килограммат уськенть экономия. К. Павлов. Саранск оп.

Сокить ранней парина

Июнь 2-це чистэ Тархановской вельсоветонь «Чатки» колхозось прыдыне весе яровой культуратнень видеманть. Видеманть бойкасто прыдомасо лездась 3-це № тракторной бригадась. Те бригадань трактористнэ Антипов, Корнеев, Лаишов ды Осипов свал нормаст топавтнесь велькскэ.

Тракторной бригадась кармасть ранней паринань сокамо. Соказь 45 гектар. Еньков,

Колхозонь счетовод.

Темниковской р-н.

Сэдтне эривить витнемс

Косогорсо улить кавто сэдть. Вейкесь веленть куншкэ, сеске правлениянть ваксо, омбопесь—веленть песэ. Кавонест сын каладсть, овси а кода сыяст ланга якамс. Теде башка, сэдтнень эйстэ чувтнень, лэзтнень койкить канталь эстет пенгекс.

Велень советань председателесь ды районной дорстроень бригадиресь И. Дыдыкин ялгася те шкас яла кодак а кшнить севень, штобу ушодомс с витнеманть. Нать учить, зарл лондадуть.

М. Ширманкин,

Г. Росяйкин.

Б.-Березниковской р-н.

VIII-це Всесоюзной химической соревнованиятне

Осоавиахимень VIII-це Всесоюзной химической соревнованиятне ютавотить ноябрынь 20-це чистэ сазэс декабрынь 10-це чис Великой Октябрьской социалистической революциянь XXIV-це годовщинанть чествэ. Соревнованиянть основнй задачатне: виевгавтомс массово-разъяснительной роботанть ПВХО-нь коряс, организовамс Осоавиахимень организациятнень эсь заданияст шкадо икеле топавтомо ды проверямс, кода сын анокстызь населениянть воздушной нападениянть эйстэ ванстамонть.

Всесоюзной соревнованиятнеде икеле кармить улеме ютавтозь районной соревнованият (июль 1-це чистэнь сазэс сентябрынь 25-це чис) ды республиканской (октябрынь 5—20-це читнень перть).

Соревнованиятнесэ примить участия заводонь, фабрикань, железнодорожной транспортонь, учреждениянть, школаны, колхозонь, совхозонь ды жилой кудонь Осоавиахимень организациятне. Сеть осоавиахимовской организациятне, конат кармить примамо участия соревнованиятнесэ, явотить 8 группас.

Осоавиахимень первичной организациятне Всесоюзной соревнованиятнесэ кармить топавтомо истат нормативт: роботамс противогазсо 2 часонь перть; тонавтнемс ПВХО-нь коряс «Действия по сигналу», «Воздушная тревога» ды «Ликвидация сложного очага поражения» тематнень. Колхозонь первичной организациятне, противогазсо роботамодо башка, противогазсо теить 10 вайгельбень марш.

Вадрясто аноксты химической соревнованиятнень Горбеевской райононь Малышевской средней школось. Тосо анокстазь ПВХО-нь 1-це ступенень 96 значикст, организовазь самозащитань группа, эрва чистэ ютавотить тренировкат противогазсо.

Районной соревнованиятнень самс шкасэ кадовсь аламо. Секс эрва осоавиахимовской организациятнень эрви нейке жо ветямс тренировочной занятия.

С. Зазыгин,

Осоавиахимень ЦС-нь старшей командир, ПВХО-нь инструктор.

Комсомолецнэ военно-физкультурной роботанть организаторт

Вечксызь военно-физкультурной те-венть Лямбирской педучилищань комсомолецнэ. Сын примасть активной участия лыжной комсомольской кроссонть ды Всесоюзной гимнастической соревнованиятнесэ. Гимнастической соревнованиятнесэ сын таргакшность ламо од ломать. Ламо комсомолец тельня ды тунда максызь норматнень ГТО-нь значок лангс. Соревнованиятнесэ училищань комсомолецнэ занясть васенце тарка районсонть.

Вадрялгадсть роботаст добровольной организациятнень. Сех парсте кармасть роботамо Осоавиахимень организаци-

ясь ды МОПР-нь ды ГСО-нь кружоктне. 64 комсомолец максызь норматнень ГСО-нь значоконть лангс, 57—ПВХО-нь ды 30—ВС-нь значоктнень лангс. Комсомолецнэ невить инициатива оборонно-физкультурной роботасонть. Примеркс, Демаков ды Паташев комсомолецнэ максеть предложения училища вакс теи спортивной площадка. Неть ялгатнень лангс путозь руководствась военной кружоктнесэ.

И. Суляев,

училищань ВЛКСМ-нь комитетань секретарь. Лямбирской р-н.

Осоавиахимень Всесоюзной конференция

СССР-нь Осоавиахимень Центральной Советань Президиумось аравть тердемс Московсо 1941 иень июль 14-це чистэ Осоавиахимень васенце Всесоюзной конференция.

Конференциясонть улить толковазь

маласо шкантень Осоавиахимень организациятнень очередной задачат, СССР-нь Осоавиахимень уставось ды организационной вопрост.

(ТАСС).

Эмеж пиресэ

Рудазга нолаштнесь, стакасто лексэз чийсь Карачков бригадиресь. Сон эзь вано пильгалов ды эзь редя сень, што вайсесь рудазе ды колошанзо пешкенть бутрав ведте. Сон капшась эмеж пирев. Ки ланга чиемстэ сонзэ прясакшность эрва кодат мельть—кода сон карми пушамост ломатнень, конат а чарькодить, што эль сы пурьгине пель ды эрви седе курок вельтнемс эмеж пандатнень.

Сельмензэ икелев понгсь эмеж пирень прятось Суворов.

— Месть ванат? А неят, виев пиземе курок пачкодидь,—сергедиксэль, но Суворов сонзэ мельтнень чарькодинзэ ды пейдезь ладсо шкадсь:

— Весе теесэ. Иля мелят.

Кода бригадиресь неизе, што пандатнень лангс валазь олгт, лэзт ды нэтой одижаткат, сон чевтемсь.

— А мон уш арсинь... уф... паро, паро... чарькодинзэ сетыки...

Истятмо тев ульнесь мелят. Но те иестэнткак Ворошилов лемсэ колхозонь огородниктне тень а стувтнить. Сыяст икеле ашти задача пеласто ванстамс росадатнень. Эрви ваномс сень мельга, штобу аволь са виев пиземе, авольть каяво эмежтнень лангс вредительть, авольть эще скотинат, иляст валго нармуть. Совась, примеркс, скал

росадатнень лангс—мерть што ёмась тыща корен, или валкс, меремс, варака—вете-кото корент тожо а улить. А бути сыяст эйстэ кемень... комсь... сядо?.. Секс огородниктне пштитэ ванить парниктнень лангс.

...Полянская звеньевось заре ой-мси. Сон ловны анык туезь од газета. Те шкасто дежури сонзэ полатыцязо Клончакова.

— Таго ливти...—вальмава ваномсто корты эсензэ марто дежуриось.—Ах, шайтан, валксэ таго,—рестединзэ кедензэ ды сыргас эзем прятонть. Седе курок каясь сон прятонзо папэ, чиезь лиссь ушов...

Эмеж пиренть ало модась 63 гектар. Роботы лангсонзо вейке бригада. Тесэ путыть чурькат,морковт, пизе канав, куярт, помидорт—консервной комбинатонть туртов. Те эмеж пиресэ эрва иестэ Саранск ошонть максни пизе чурька уш маень васень читнестэ. Куяртняк ошос молить икелевгак тесэ.

— Сатыть ли росадатне весе моданть лангс?—кевкетизь эмеж пирень прятонть.

— Да, сатыть,—ответи сон.—Минь виднетяно запасоксак. Лясто черной ножкась сэкшнесь путозь росаданть. Сестэ минь путтано одов. А лясто

Покш мельсэ сёрмацтыть од заеомнь лангс

Кочкуровань районсо од заеомнь лангс сёрмацтомась моли покш успех марто. Июнь 4-це чинть самс служащйтнень юткесо подпискась пачкодсь 168 тыща целковой лангс. Заеомнень сёрмацтсь кочкуровской госбанконь, райфонь, сберкассань, районной газетань редакциянть весе сотрудниктне. Сехте ламотне сёрмацть вейке коновь зарплатаст лангс.

Кочкуровской машинно-тракторной станциянть рабочейтне, работницатне подпискань васенце чистэнь од заеомнень сёрмацтыть весемезэ 10 тыща целковой лангс.

Парсте моли заеомнь лангс сёрмацтомась колхозтнесэ ды, васняк, Од Мурза велень «Од эрямо», Пакся Тавлань «17-й партсезд» колхозтнесэ. Райононь весе колхозтнева подпискась июнь 4-це чинть самс ютавтозь 58 тыща целковой лангс.

Куликов,

Райсберкассань бухгалтер.

Комсомолецнэ ветить агитационной робота

Мариуполь велень «Красный колос» колхозонь весе комсомолецнэ дружнасто сёрмацтсь од заеомнь лангс. Примеркс, М. Туматкин ды Г. Ланцев ялгатне—сядо целковой эрвась, М. Ланцева комсомолкась—30 целковойс.

Заеомнень сёрмацтомасонть комсомолецнэ невтеть пример аволь союзной од ломатнень ды колхозниктнень. Теде башка, сын ветить агитационно-массовой покш робота. Те лездась сенень, што малав весе колхозниктне сёрмацтсь Колмоце Пятилеткань (нилице иень нолдав) Заеомнень.

М. Забатурин комсомолецсь аравтозь уполномоченноекс заеомнь лангс сёрмацтомань коряс. Уш васень читнестэ пурякшность подписка 2.000 целковой ламос. Зарья колхозниктне подпискань сумманть пандызь наличнойсэ.

Н. Бекшаев.

Б.-Березниковской р-н.

шабресо колхозтнень макснетяно.

Суворов огородниктне вниманиянзо вакска а ютнить шабрань колхозтнесэ опытнак. Появась кодамоак од эмеж,—сонзэяк пиресэньт курок сон появи. Истя кочки од сорт.

Кизэнь перть эмежтнень сех сеестэ колси капстань молесь. Самай сон пельнекшнесьнзе келей лопатнень прок эскэ, сондензэ мейле лопатне теевить варив сувтемекс. Капстань молесь ламо кантнэ зыя эмежтнень.

— Мейсэ ванстатодо эмежтнень моленть эйстэ?

— Минь ванстатано эсенек средстватнесэ,—а кешевикс гордость марто корты огородникесь.—Почолитяно куловсо.

— А куловось лездэ?

— Миненек лездась. Почодынек ды кавсовкстнень лангсто молесь тусь.

Ворошилов лемсэ колхозонь эмежпиресэ алукусонь опытной станция. Тесэ сынсь эсь вийсэст тейнить снартомат, вешнить ответт лисэзэ кевктематнень лангс.

Варшгит эмеж пирень келей модатнень лангс, варшгит неть простой, обыкновенной ломатнень лангс, конат кеместэ теить эсест тевест ды арсезеват, кодамо покш вий ашти неть ломатнесэ, кодамо покш бажамо од ус-пехтнесэ.

П. Кономанин.

Пришкольной участка кизэнь роботатнеде

Бурок эйкакштнень подасызь каникулас. Учителтне кармить улеме отпуско. Кой-кит арест, што тень кувалт а кода ули ветаме робота пришкольной участканесэ. Чарькодеви, што те а виде. Ведь эйкакштне кармить сакшномо школав, пришкольной участканес. Школатнеяк а кадовить чаво, тосо кадовить ломать, конат могут лездема эйкакштнень сынет роботасост.

Кизэнь шкастонть эряви тейнемс кочкомат, моданть кавшакавтома, кой-кона растениятнень валнома, модамарень ды капетань окучивания, помидоронь а эрявикс таратнень керцема, помидортнень сюлсема, вредительтнень каршо бороцямо, бути сынь появить.

Практической роботатнеде башка тонавтницятнень эряви ветаме наблюдений растениятнень касоманть мельга: зардо растениятне лисеть, зардо кармасть цвелямо, колосонь каямо, зардо кенереть, зардо ушодовсь уборкась ды лият. Неть наблюденийтнень ули пек покш значениясь ды сынет ветямось ашти кизэнь шкань роботатнесэ главноекс.

Зарья школасо тейсть истя, што эрва тонавтницясь вети уход вейке кодамоак растения мельга. Истя, примерке, аравтозь теветь Ромодановской райононь Куриловской средней школасонть, Кадомской райононь Чел-Майданской средней школасонть. Те школанть 8-це классонь тонавтницясь Андрияшкина Нина касты сорго ды дынат, 5-це классонь тонавтницясь Шалохина Валя касты морковт, 7-це классонь тонавтницясь Седелкин Петя тейни опытт чукшторовонь, инзеень ды крыжовникень вегетативной размножениянь коряс, 5-це классонь тонавтницясь Андрияшкина Маруся касты кок-сагыз.

Пришкольной участка кизэнь шкасто роботатнень лангсо руководстванть корясак теветь может улеме аравтозь. Школатнень кадовкшны заведующеесь или кияк лия учительтнень эйстэ. Се, кие кадови, кие карми улеме школасонть может ванномс участкасонть роботатнень ветямонть мельга. Тедебаш-

ка, кадовкшны пионервожатой. Сонзаяк эряви таргамс те роботатнень. Тердемс лездема активной комсомолецт или студентт, конат ютавтыть каникулатнень велесэ.

Сень кие, штобу пришкольной участкасонть кизнаяк кармаволь молеме робота, эряви нейке ютавомс анокстамонь мероприятият. Васняк эряви содамс, кие кадови тонавтницятнень эйстэ те омонть или велентень, косо школась. Теемс дневник, козонь сёрмалемс растениятнень касомат мельга наблюденийтнеде, штобу кизна эйкакштне апак лотксе ветявольть наблюденийт ды сёрмалевельть дневникентень. Теемс истя, штобу эрва тонавтницясь кизна кармаволь якамо се растениятнь мельга, конань сон видекушнзе или конань мельга якась тунда. Те кастасы эйкакштнень бажамост теемс весе, мезе эряви сень кие, штобу растениясь седе вадрасто чачоволь, маховоль седе покш урожай.

Кизна эряви ютавомс эрва классонь тонавтницятнень зарьяк общей

сборт ды тосо толковамс вопрот, конат сюлмавозь участкасонть роботатнень марто, вейсэнэ вийсэ теемс сень, мезе апак тее кадовсь. Тень кие нейке уш тепкстамс читнень, зардо кармить улеме сбортнэ ды наблюденийтнень дневникентень сёрмалемс сетне тонавтницятнень лемест, конат кизна кармить роботамо участкасонть.

Эйкакшт, конат интересуются природасонть, растительной мирсэнь, ули эрва школасонть. Эряви содамс сынет, лездема тенст роботасост, максомс эрявикс условият. Юнатнэ бажить кастамс растеният, содамс, мезе эряви сынет касоманть туртов, зардо ды кодамо ветамс уход. Секс сынь покш мельсэ кармить якамо пришкольной участканес ды ветямо наблюдения растениятнень мельга. Сынь могут ветамс уход сетне тонавтницятнень растеният мельга, конат (тонавтницятне) каникулань шкастонть тусть ковгак лия ошов или велесэ.

Д. Григорьев.



СНИМКАСОНТЬ: Педагогический институтонь студентнэ теить самостоятельной работа Саранск ошонь парткабинетсэ. Фотось Б. Козловонь.

ТИМОФЕЙ РАПТАНОВ

(Куломадонзо мейле 5 иень топодемантень)

Писателесь, конась эсь произведенийсонзо нейти алкуксонь эрямо, эрямо, косо моли апак лотксе бороцямо од, прогрессивнейн вийтнень ды удалов таргидия мельтнень юткса, ламоксть эрась эсь пингензэ. Сон кулы, но произведенийсонзо кадовить ды прок поладить сонзэ эрямонть, печтить теветь сонзэ ар-семанзо, мелензэ. Писателесь, конань эсь эрямозо, обществасонть роботазо а явить творчествомзэ эйстэ, куломадонзо мейлеяк кадови боецекс-гражданинэкс.

Истямокс ашти эрянь писателесь Тимофей Раптанов. Сон малав весе эрямонзо ютавтызе кулак лангс робота, пиштезь-майсець. Ды сестэ, зардо панжовсть сонзэ сельмензэ, чарькодизе кие сон, чарькодизе батрактнень ды кулактнень ютксо отношениятнень, кармасть улеме активной бороциакс ташто койтнень, отношениятнень каршо, од эрямонть кие. Покш Толкан велень трудиятне парсте повнясызь кулактнень каршо сонзэ бороцямонзо. Кулактнень каршо бороцямонть Раптанов вадрасто невтисэ эсензэ «Чихан пандо ало» романсонть. Виде, Раптановнень эзь саво сонзэ прыдомс, кулось сон омбоце книганть лангсо роботамсто. Яла теке романонь васенце пельксэськак ашти пек эрявикс художественной произведенийакс, конась видесть нейти гражданской войнадонть мейлень васень иетнень. Теромансонть Раптанов нейти од ломанень образ—Сеелень ды Голецень. Сеелень эйсе ули тэ ламо эсензэ, Раптановонь чер-

тат. Прототипезэ, нама, сонсь авторсь. Раптанов нейти, кода бедняконь ды батраконь од лomatне организовасть комсомольской организация ды кода комсомолецтнэ перькаст пурнызь весе бедняктнень, батрактнень ды ветизь кулактнень каршо. Сынь ютавть покш общественной робота, бороцясть ташто коень невежестванть каршо, тонавтнень, келейгавть эсест кругозорост. Сеелень весе мелензэ, весе превензэ народонть марто. Эрва эськельсэсь, конань теи Сеель эрямосонть—макс-ви советской властенъ кие. Сеель икеле молиця, сон од лomatнень ветия. Истямокс сон теветь эрямонть эйстэ тонавтнезь, эсензэ ильведектнень трокс ютазь.

Кулактне, штобу а максомс скоронть государтвас, кекшнеть эйсэнь мода поп. Марьясь теде Сеель. Сон эзь цидарт, ёвтась велсоветень председателентень. Тонась жо ульнесь подкулачник, ёвтась азортнэнь. Се шванть, зардо Сеель якась ёвтамо партийной ичейкань секретарентень, кулактне чамдызь яматнень. Ансяк теде мейле Сеель фатясь, што тейсь ильведекс. Сеелень те кармавтызе ветямс бороцямо аволь ансяк кулактнень каршо, но и подкулачниктнень каршоак. Истя тонавть эйсэнь эрямось.

Раптановонь «Татю» ды седеяк пек «Стака иетнестэ» повестне истя жо невить советской властенъ васень иетнень.

Вете иеть ютасть кода кулось Раптанов (кулось сон июнь 4-це чистэ

1936 иестэ). Седе мейле минек литературась пек кассь. Появась зарья вадра произведенийт. Но те шкас еще арасть сёрмадозь од ломанде истят вадра произведенийт, кодат сёрмадсь Раптанов.

Сонзэ ули тэ кавто новелланзо—«Исайка кадовсь ськамонзо» ды «Ташто койтне чумот». Кавто новеллат—кавто трагедият. Раптанов весе эрямосонзо эссе вечке таштонть, конань рудазов кедтне кунсест икелев молицятнень ды усксть эйсэст мекев. Васень новелласонть невети, кода бабушкатне куловтызь чачтамсто Исайкань авань. Эрянь велетнесэ а вечкить молема больница чачтамо. Истя жо беряньстэ ваньсь эйкакшонь яслятнень ды садтнень лангсак. Секс эрьсест ламо минень-сюнонь тамашат: то эйкакштне кирвастысь кудонть ды сыньсак пальть, то, кода тень нейти Раптанов «Ташто койтне чумот» новелласонть, васня пичкавтызь лавсэсь перынтень, а мейле, штобу илизь чаво аваст, кекшсть стойкас, козонь мейле каясь аваст пси ведь ды невельдинзе сынет.

Раптанов парсте содылизе эрямонть. Секс сонзэ эрва произведенийт ашти, бути истя можна меремс, эрямосонть керязь кочомокс. Виде, сеетсьэ сонзэ произведенийтне композиционно вепанат, но эрямонь правдась вिति эйсэст.

Раптанов кулось эсензэ творческой вийтнень келейстэ панжомо шкастонть. Сон бу сёрмадоволь еще аволь вейке вадра произведенийт. Но сейк, мезе сон кадсь, икелев вети сонзэ теветень, минек марто вейсэ бороци счастливой эрямонь строямосонть.

Н. Филиппов.

Испытаниятнень максызь парсте ды отличнасто

Теньгушевской средней школань 5-це «А» классонь пионернэ испытаниянь шкасто невтеть пример весе тонавтницятнень. Сынь эзь менстя вейкеяк консультация, лездема кадовиця тонавтницятнень.

Весе те пек лездема тенст успешносто максомс испытаниятнень. Богородский Юра ды Платонова Рита весе предметнэ максызь ансяк отличнасто, Богатов Витя, Гладышева Поля, Попова Нюра испытаниятнестэ получасть ансяк паро ды отличной оценок. Весе пионернэ од тонавтнема иестэ кармить тонавтнема 6-це классо.

Истя жо вадрасто максызь испытаниятнень 7-це «А» классонь пионернэ. Сынет ответнэ туекшнеть весе ассистентнэнь мельс. Пек вадра знания литературань коряс невтеть Иванов Вася, кона тонавтнема иень перть ульнесь примерной тонавтницякс.

Отличнасто максынзе испытаниятнень Иванов Олег.

Весе неть тонавтницятне маласо шкастонть ули кучозь республиканской ды районной пионерской лагерев.

В. Попова.

Мезе видят—сень нуют

Покш Маризь велен средней школасонть прыдовсь проверочной испытаниятне. Результатнэ кой-кона клас-тнэсэ пек брать. А мейсэ при-шнамс 7-це «А» ды «В» клас-тнэнь класной руководителентень Г. Морозова ды А. Ярославцев ялгатнень.

7-це «А» классонь ниле тонавтницят эзь ульне поддэз испытаниятнень. Сисем тонавтницят кадозь сёк-сия испытанияс, вете—кадозь секе классонть омбоце иес. Истямо лацо, пеледест ламо тонавтницятне испытаниятнень эзизь максо.

Мекс те истя лиссь? Секс, што весе тонавтнема иенть перть классонть эйсэ беряньстэ аравтозель учебно-воспитательной роботась, алкинель посещаемостесь ды лавшоль дисциплинась. Класной руководителес комсомолкась Морозова ялгась весе теветь кадовкшнызе, кода мерить, самотекс: мезе лиси ды мезе. Ды вана ней сонзэ мельс ледни народной валмеревксэсь: мезе видят—сень нуют.

Малав истяжо ашти теветь 7-це «В» классонть эйсэяк. Кавто тонавтницят кадозь сёксия испытанияс, кавто—секе классонть омбоце иес. Тесэ уль-неть уш второгидикть. Вейкен—Еремкинэнь ней исключили, омбоцень—Старкинань кадызь сёксия испытанияс. Весе лиятнень ютксоак, конат максызь испытаниятнень, пек аламо отличниктнеде, аламот паро отметка мартотнедеяк. Сех ламот испытаниятнень койкак максызь посредственной оценка марто.

Неть результатнэ аштить пятнакс дирекциянь лангсоак. Ведь дирекциясь содыль седе, кода аравтозель учебно-воспитательной роботась неть клас-тнэсэ, кодамо тосо посещаемостесь ды дисциплинась. Ансяк эзь примакшно эрявикс мерат сенень, штобу витемс те берянь положенийт.

Ней вана янксекшнить класной руководителтнеяк, дирекцияськак. Ансяк ней тень эйстэ лездема аламо. Эрва мезе соды шка. Парсте ды эсь шкасто кундавольтердя тонавтомань ды тонавтнемань качестванть вадрагавто-мо, дисциплинанть, посещаемостень кепедеме, ней аволь савкшно янксекш-немс, результатнэ улевельть лият.

П. Букин.

Чамзинской ра"он.

Наркомвнешторгсо

Советско-финляндской торговлясь

Те иень июень 1-це чинтень Финляндиясь пачтась Советской Союзонтень товарт весемезе аняк 885.600 американской долларонь питнес, се шкастонтъ, кода теке жо шкантъ перть Советской Союзось пачтась Финляндиянтень товарт 3 миллионт 559 тыща 200 американской долларонь питне. Бути кирдемс мельсэ, што СССР-нтъ ды Финляндиянтъ ютксо улике торговой договоронтъ коряс кавонест мастортнэнь ютксо общей товарооборотосъ договоронтъ действиянзо васенце иеньень аравтозъ 7 миллионт 500 тыща американской долларс эрва ёндо, то те значит, што СССР-сь пачтась Финляндиянтень малав 47,4 процент товарт, Финляндиясь жо пачтась Советской Союзонтень 11,4 процент.

Товарооборотонтъ коряс Финляндиянтъ ёндо обязательстватнень аволь удовлетворительной топавтомасъ, нама эзь лезда СССР-нтъ ды Финляндиянтъ ютксо торговлянтъ развитиянтень.

Но, Финляндиясо улике продовольственной затруднениянтъ ловозь, СССР-нь Союзонь Совнаркомонь Председателесь И. В. Сталин ялгась те иень маень 30-це чистэ алтась СССР-сэ Финляндиянь посланикентень Паасикиви господинэнтень сехте нурька шкасто кучомс Финляндияв 20 тыща тонна зерновой скрот, теде икеле пачтязь 15.578 тоннатнеде велькска, тень пингстэ сень ланге атак вано, што Финляндиясь беряньстэ топавты эсензэ обязательстванзо Советской Союзонтень товартнэнь пачтамонть коряс.

СССР-нь Внешней торговлянь Народной Комиссарось А. И. Микоян ялгась те иень маень 31-це чистэ пачтась Финляндиянь посланикентень Паасикиви господинэнтень, што сон макссь Экспортхлебентень распоряжения нейке жо ушодомс Финляндияв вере ледстязь зерновой скротнэнь количестванть кучомо. Июень 6-це чинтень включительна уш кучозь Финляндияв тень счете чугункань киява 7.514 тонна.

Челябинской областев

Покш ды скупа минек масторось. Пек ламо минек моданок. Улить истят таркат Советской Союзонтень, косо плодородной модатне те шкас улынестъ апак соксе. Ды вот партианть ды правительстванть тердемаст коряс аламо мода марто районтнэстэ тышат колхозникень семият тустъ ды тукшныть эрямо тов, косо истяк аштекшии ламо мода.

Косогор велень «Красный восток» колхозсто курокето 6 семият ды башка зярря колхозникть туйть переселенияв Челябинской областев, Курганской районс.

Переселенияв эсь семиянзо марто туй Гибалкин ялгась. Зярря иень перть сон честна работась «Красный восток» колхозонтень. Тедице сонсь Гибалкин ялгась тунда видема шкантъ самс уш теекшнесь 150 трудочи. Гибалкин колхозникесь тунда работась видипаксе ды эрва чистэ норманзо топавтвил 135—150 проценте.

Переселенияв колхозниктне туйть покш мельсэ ды од таркасо, Челябинской областень колхозной келей паксятнесэ сын истяжо честна ды добросовестна кармить роботамо, кода весе иетнень перть работастъ «Красный восток» колхозонтень.

Д. Барсуков.

Б.-Березниковской р-н.



Кочкуровской районнь Пырменской вельсоветэнь «Якстере теште» колхозонь пожарной обозось лиссь эсь анокчинзэ ванкшномо.

Фотось А. Кочинэнь.

Сех вадря мастер

Комсомолецъ Д. Терушкин ниле иеть тонавтнесь Харьковской машиностроительной техникумсонть. 1939 иестэ сон сась Сарово ды кармасть роботамо машиностроительной заводсонть.

Сеть знаниянтень, конатне получаь упорной тонавтнемасо, Терушкин ялгась ней ютавты тевс. Мезень икеле содыль аняк теориянь коряс, ней сон теи практикосо.

Терушкин комсомолецъ роботы сменной мастерэкс. Сонзэ сменась заводсонть ловови сехте икеле моллиаксе, эрва ковне велькска топавтни программанзо. Январь ковсто сменась планово топавтокшнызе 125 проценте, февральстэ—117, мартсто 137 проценте.

Истяжо велькска топавтозъ [планово] апрель ды май ковтнестэяк.

Мекс сехте парсте роботы Терушкин ялганть сменазо? Васняк секс, што видестэ организовазь трудось. Роботамо шкань весе 8 частнэ, весе минутатне используются производительна.

Икеле пехсэнтъ истя улынесь: обеденной перерывстэ туйльть весе роботейтне, мейле зярря шкань перть савкшныль кирвастемс каштомсо мадэзь толонтъ. Терушкин ялгась тейсь истя, што перерывень шкастонтъ пехентень кады вейке рабочей каштомсо температуранть кирдеме. Мейле кодак сыть роботейтне, сеске ушодови производительной робота. Б. Михайлов.

Темниковской р-н.

Границань томбале

Европасо, Африкасо ды Азиясо войнась

(Июень 9-це чистэ военной действиянтень дневник)

Июень 9-це чинь каршо вестэнтъ, кода пачтневи германской сводкасонтъ, германской самолетнэ ваявтеть английской ведтнесэ кавто английской торговой парокход ды бомбардировизь англиянь южной ды юго-восточной побережьясонтъ портовой сооружениянтень. Секе жо вестэнтъ английской авиациясь тейсь налет Западной Германиянтъ ланге. Бомбардировазь Эссенсэ ды Дортмундсо объектна.

Пек активноеельть воювица ёнкстнэнь воздушной вийтнень действият Среди-земной морянь бассейнасонть. Германской авиациянтъ основной вачкодксь-эзэ улынесь ноладзэ англичантнэнь опорной базаст—Мальта островонтъ ды Александрия египетской портоны каршо. Александриясо, германской сообщениянтень коряс, колазъ арсеналось ды портовой складтнэ. Юнайтед Пресс агентствась пачти, што ошонть калавтозъ ламо эрямо кудот, маштозъ зярря сядо ломань. Малав 50 тыща эриця тустъ Александриясто. Английской самолетнэ бомбардировизь Дерна, Бенгази ды Триполи ливийской порто-нэнь. Германской артиллериясь ледвинзе Тобруконтъ маласо английской артиллериянь позициянтень. Итало-германской авиациясь атаквинзе ошонть перька англичантнэнь укрепленияст.

Абисиниясо пек виев бойть молитъ Галла-Сидамо районсонть. Английской войскантне, тешкетневи английской сводкасонтъ, кавтонь таркасо ютасть Омо леентъ трокс ды шаптитъ икелев. Саезь ламо пленнойть.

Сириясо положениясь истямо: Палестинанть ёндо наступлениянтъ марто ве шкасто английской войскантне молитъ истя жо Трансиорданиясто ды Ираксто. Наступлениянтъ основной объектакс, невтни Рейтер агентствась, аштить Бейрут, Алеппо ды Дамаск оштне. Английской войскантне ды де Голль генералонь частне сайсть кавто ошт ды вейке пункт Сирийской побережьясонтъ.

Американской агентстватнень данное коряс, Сириянтъ ланге вети наступления 20 тыща ломаньстэ армия. Сириянь верховной комиссаронтъ Дени генералонтъ распоряжениясо ули армия примерна 40 тыща ломаньстэ, конатнестэ 15 тыщатне—французт. Кода пачти информациянь английской министрствась, Сирийской армиясонть лововить малав 45 тыща солдат, тень пингстэ французтнэнь распоряжениясо улить танкат ды малав сядо военной самолет.

Английской военно-морской флотось лезды Сириясо английской армиянтень. Гавас--ОФИ агентстванть пачтамонзо коряс, английской военно-морской вийтне, конат аштить вейке линкорсто, кавто крейсерстэ ды 5 эсминестэ, июень 9-це чистэ валске валтасть десант, конань саизь пленс французской частне. Английской авиациясь бомбардировинзе ды пулеметсто леднинзе сирийской аэродромтнэнь.

Кода пачти «Нью-Йорк таймс» агентствань корреспондентэсь, французской флотонь зярря соединениянтне получасть приказ анокстамс действиянтень.

(ТАСС).

ФУТБОЛ

„Спартак“ изнязь

Ютась недлячистэ Саранск ошсо-вастовсть «Спартак» ды Нистратов капитанонть футбольной командатне. Матчесь улынесь пек интересной. Васень тайманть ушодовомсто капитанонть Нистратов ялганть футбольной командазо тейсь «виев наступления» «Спартак» ланге. «Спартаконь» футболистнэ налксестъ беряньстэ, кой конат эйстэст мик нузьялдозь чийнестъ футболонтъ мельга. «Болезниктне» сеетъстэ цяпастъ Нистратов, Харько ды Ионычев ялгатнэненъ, конат ламоксть атаковастъ «Спартаконь» ортатнень.

Нистратов ялганть командазо омбоце таймань придовомантень эсь счетонтъ пачтизе 11-с, эсест ортас ноласть аняк кавто мячт, ды нетнень эйстэля вейкесь улынесь чавозъ пенальстэ.

Анокстыть кроссонтень

ВЛКСМ-нь комитетэнь секретаресь В. Труфанов ялгась улко сась ошонь профсоюзной комсомольской ды физкультурной активень собраниясто ды мери комсомолчнэненъ:

— Ну, ялгат, карматано чийнеме... Течи эсенек собраниясо толковасынек ВЦСПС-нтъ ды ВЛКСМ-нь ЦК-нтъ постановленияст профсоюзной-комсомольской кроссонтъ ютавтомато ды кундтанато тевс!

Алкуксак, собраниясо толковизь, кодамо ладсо сын кармить анокстамо кроссонтень. Исяк улынесь тренировка. Комсомолчтнэ кенерить чиёмс дистанциянтень, конат ёвтазь профсоюзно-комсомольской кроссонтъ положениясонть. Сех бойкасто чийни комсомолецъс Фадеев ялгась. Комсомолчтнэ регулярна лиснить тренировкас.



Ираконь столицасонтъ Багдадсо тосконь эрицянтень эрямо таркаст.

«Пресс Диффизинисто» репродукция.

Сириясо положениясь

Кода пачти Ассошиэтед Пресс агентствась, Сириясо яволявтозъ осадной положения. Властне а мерить ютавтнеме публичной митингт, ветамо эрва кодамо пропаганда, частно пользовамс междугородной телефонсонть ды телеграфсонть. 9 чассто чокшне эрицянтнэненъ приказзъ мацтнемс толтнэнь. Те распоряжениянтъ а топавтоманзо кие грози смертной казня.

(ТАСС).

Отв. редакторсь А. ШЕГЛОВ.